

ЖИТИЕ БОЯРЫНИ МОРОЗОВОЙ

(отрывки)

1. Чудесное пострижение Феодосьи Прокопиевны Морозовой¹

- л. 219 Бе некто мних ветхий деньми, именем Сергей, по прозванию Страдалец, скитаяся бога ради в керженских пустынях во время премены древлеотеческаго благочестия. Случися сему вышешепянному иноку Сергию от новолюбцев поиману быти; много претерпе различная мучения за благочестие, обаче непреклонен явися к никоновым новшиствам и не отвержесе древлеправославнаго благочестия — того ради всеми и от всех имяновашесе
- л. 219 об. Страдалец Сергей. Случися же отцу Сергию во оное гонительное время || со оными высокоблагородными боярынями вместе в темницах страдати в различных мучениях, но божиею помощию из рук мучительных свободися и избеже. Сей Сергей поведи о высокородной боярыне Феодосии, яко по отъятии креста, иже ношаше, пояса и четков, прииде к ней в полунощи ангел господень во оную темницу, нося с собою распятие Господа нашего Иисуса Христа, еже и даде ей. От того убо ангельскаго посещения и осияния преименована бысть Феодорою ангели божи — ю, яко и Пимина многострадалнаго, ангели господни постригоша, о котором Патерик Печерский повествует, или сама на себе наложи иночество, богу о сем ведущу, точно в списках всеми православными пишется и поминается инокою Феодорою. О сем до zde.²

2. Плач Ивана Глебовича по матери

- л. 197 Сын же ея Иоанн, вышед со двора тайным образом на заднее крылцо, вслед любезныя матери своя смотраше и горко сице плакаше: «О, любезнейшая моя мати, како, оставя меня, идеши?» — и абие создади притек, нападе на выю матери и начат плакатися со слезами и вопияше в горести души своя, глаголя сице: «О, прелюбезная мати моя Феодосия! На кого мя оставляеши и кому мя вручаеши, его же не над меру любила еси? Много благодарю тя, превозжеленная моя родительнице, о великой любви и о неизреченной || милости твоей, понеже бо мя рождаши, сосцема своима вскармила мя, издетска^а питала, дондеже аз возрастох и до сего дни. И за сие благодарю тя, яко оставши в сиротстве вдовою от господина отца моего Глеба прилежание и попечение велико о мне имела еси издетска^б». Сице жалостно ему глаголющу, лобызая мать свою, плача, стена и рыдая, лучши жалая света сего лишитися, неже терпя с родительницею своею разлучитися и паде на нозе ея. Она же, разлившись горкими слезами, подъемши его от земли, нача разговаривати и увещевати, повелевая ему от плача престати, таже нача глаголати ему: «Послушай, дражайшее мое едиородное чадо, Иоанне, наказания матери своя, ибо светло житие праведных, како же светится. Не терпением ли сие || возлюби, еже есть мужеству матери? Пророк в псалме наказует, глаголя: „Потерпи, господа ради^в и сохрани пути его“. Павел учит, яко да стяжете детели и глаголет, яко скорбь терпение соделовае и сим грядыи пугем обрящеши источник бла-
- л. 198

¹ Здесь и далее заголовки принадлежат публикатору.² Весь этот эпизод дословно читается также в сборнике БАН, собр. В. Г. Дружинина, № 317, лл 27 об — 28.^а Испр.; в ркп. издетка. ^б Испр.; в ркп. издетка. ^в Д. Б., в ркп. нет.